



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Qvod Iudaei Messiam, Qvi uenit, ceu uenturum, temere
expectent**

Samuel <Marochitanus>

Argentorati

VD16 S 1561

Capvt XV. Quomodo caecitas Iudaeorum & incredulitas circa Christum fuit
praenuntiata per prophetas.

urn:nbn:de:hbz:466:1-36159

P A R A S T A S I S.

quia non cognouimus aduentum istius iusti domini. Et de nobis dixit dominus per Esaiam cap. xliij. Elongate foras gentem cecam, & non habentem oculos, & surdam, & non habentem aures, ecce omnes congregati sunt. Et quid uoluit dicere Propheta per hæc uerba, nisi quod Deus nos repulit, quia non cognouimus tempus istius iusti citius. Et congregauit ad se in fide Gentes loco nostri. Super quo admiratus Dauid dixit in psalmo. lxxxi. Hæc est mutatio dexteræ excelsi. Nos tamē Dei sumus in casu isto nostro, & in captiuitate ista, quæ non habet finem in qua sumus, iam sunt mille anni, & hoc tamē non accidit ita male patribus nostris, qui adorauerunt idola, & occiderunt prophetas, & transgressi fuerunt legem ex toto corde suo.

CAPVT XV.

Quomodo cæcitas Iudeorum & incredulitas circa Christum fuit prænuntiata per prophetas.

Timeo, domine mi, propter hoc quod quia non credimus in isto iusto, idcirco accidit nobis & completum est illud quod dixit Deus per os Esa. cap. xix. Erit prophetia tanquam uerbalibri clausi qui dabitur lectori, & dicetur, iste liber clausus est, nescio quid est in eo, & tunc dabit nescienti litteras, & dicet, nõ sum lector ego. Et quæ clausura libri maior est, domine, quàm clausura qua clausit Deus corda nostra, iam sunt mille anni, & ultra, nec possumus cognoscere per prophetiam nobis traditam à Prophetis super aduentum istius iusti, propter quod alibi dixit Deus per prophetam. Desolabi-

V E R I M E S S I A E

tur Hierusalem, & corruet domus sancta. Dixit etiam ca-
 pi. primo. Terra nostra deserta, ciuitates nostre succensae
 igne, & remanebit Syon sicut tugurium in uinea dissi-
 ta, hoc est, domine mi, & iam sunt mille anni, & ultra. Di-
 xit etiam Esaias capi. xxv. Domine Deus exaltabo nomē
 tuum quia posuisti ciuitatem in tumultum, & domum in
 confusionem, ut non sit usq; in eternum. Et. xxx. capi. di-
 xit. Conteret populos cōteritione uasis fragilis, in quo nō
 remanet pars ad portandum carbonem ignis, nec hauriē-
 dam guttā aque. Completum est etiam, domine mi, quod
 dixit Daniel capi. ix. Postquam fuit occisus Christus, re-
 manebit desolatio perpetua, in qua desolatiōe sumus. Iam
 sunt mille anni & ultra. Dixit etiam Esaias. xxiiij. capi.
 Relicta est in urbe solitudo, & sibilabit terra eorum sibi-
 lo usq; in sempiternum. Dixit etiam Hieremias. c. xvi. Ar-
 gentum reprobū uocate illos, quia dominus proiecit eos.
 Dixit etiam Esa. ca. l. Ambulate in lumine ignis uestri, &
 in flammis quas succendistis uobis, in quibus flammis nos
 sumus. Iam mille anni sunt. Et dixit etiam Amos. v. capi.
 Domus Israēl cadet & nō est qui erigat eā. Et uidetur mi-
 hi, domine mi, q; Deus induxit super nos ruinam istā post
 aduentum iusti huius, postquam propheta nullus surrexit
 in nobis, nec surget sicut prophetatum est nobis, quia nos
 manemus in incredulitate nō recipientes fidem illius, sed
 negantes. Dixit etiam Oseas primo cap. Cum accubit mu-
 lier super terram & peperit, dixit Deus, uoca nomē eius
 sine misericordia, quia non miserebor populo huic. Et si
 Deus

P A R A S T A S I S .

Deus projecit nos, & non miseretur nostri, ut experti sumus, iam sunt mille anni & ultra, Quae utilitas est nos habere Legem, Circūcisionem, & Sabbatum. Dixit Esaias liij. ca. Educ foras populum cæcum, sicut eduxit nos de terra nostra Deus uerus, & gloriosus. Iam sunt mille, & ultra. Dixit etiam idem. xxvi. capite. Vetus error abiit. Et quid est antiquum, nisi Lex nostra, quae recessit à nobis, domine mi, cum rege, cum sacrificio, cum incenso, & cū altaribus. Et quid peius nobis poterit euenire? & quid est quod nos expectamus? Nonne uidemus q̄ dispersit nos per quatuor partes mundi in dispersionem, sicut dixerūt nobis Moyses, Hieremias, & Esaias, & alij Prophetae. Et tamen nos Dei sumus, & ad ipsum recurrimus in omni euentu.

C A P . X V I .

Ostēdit reprobationē Iudæorū propter eorum perfidiā, & electionē gentiū propter eorū fidem.

Tl meo, domine mi, cum nos dicimus inter nos, ego et tu etiam sumus filij Iacob & Israël, quia iam completū est illud quod dicit Deus per os Esa. ca. lxxiiij. Interficiet te Deus ò Israël, & uocauit seruos nomine alieno. Pauco q̄ de illis seruis sumus, quibus debet imponi illud nomen, secundum q̄ Moyses dixit Deuteronomij xxviiij. Erunt Gentes in capite, & populus incredulus in cauda, sicut nos sumus, iam sunt mille anni & ultra. De illis etiā dixit Hiere. ca. xij. Replebitur terra fide Dei, et redūdabit sicut aqua maris, et de illis dixit Salo. iij. Reg. viij. Domine Deus cū uenerit alienigena ad domū sanctā tuā,

& in